



Մխիթար Գոշ

Գիրք Դատաստանի

14

ԳԼՈՒԽ ԸԺԱ ՎԱՍՆ ՀԱՐԱՆՅ ԱՆԴՐԱՆԿԱՑՈՒՅԱՆԵԼՈՅ ՉՈՐԴԻՍ

Եթէ լինիցին առն կանայք, մինն ի նոցանէ՝ սիրելի, եւ մինն՝ ատելի, եւ ծնանիցին նմա որդիս սիրելին եւ ատելին, եւ լինիցի որդի անդրանիկ ատելոյն: Եւ եղիցի յաւուր, յորում ժառանգեցուցանէ որդոց իւրոց զինչս իւր, մի՛ իշխեսցէ անդրանկացուցանել զորդի սիրելոյն, անտես արարեալ զորդի ատելոյն զանդրանիկ, այլ զանդրանիկ ատելոյն ծանիցէ՝ տալ նմա կրկին յամենայնէ, ոչ ինչ գտանիցի նմա, զի նա է, սկիզբն որդոց նորա, եւ նմա է անդրանկութիւնն: Արդ, զայս դատաստանս ի մեզ այսպէս առցուք: Չի թէ ոչ է քրիստոնէից ունել միանգամայն երկուս կանայս, սակայն ի մի կնոջէ լինիցի որդիս, եւ թէ երկրորդ առցէ կին, եւ յանմանէ իցէ որդի, մի՛ վասն սիրոյ կրսերոյն գնա անդրանկացուցէ եւ կամ աշատեալ ի վերջի կնոջէն՝ զորդի նորա: Այլ զսկիզբն որդոց իւրոց պատուեսցէ, ըստ որում եւ Տէր պատուիրեաց՝ տալ զառաջին ծնունդն եւ առաւել տալ ի ժառանգութեանցն, բայց եթէ պատահի յաղագս անպիտանութեան չառնել արժանի:

ԳԼՈՒԽ ԸԺԲ ՎԱՍՆ ԱՆՉԳԱՄ ՈՐԴՈՅ

Եթէ իցէ ուրուք որդի խեռ եւ անզգամ եւ ոչ լուիցէ ձայնի հօր եւ մօր իւրոյ, եւ խրատեսցեն գնա, եւ ոչ անսայցէ, կալցին գնա հայր եւ մայր իւր եւ տարցին առ

Ծերակոյտս քաղաքին իրեանց եւ ի դուռն տեղոյն իրեանց եւ ասասցեն ցարս քաղաքին իրեանց. որդիս մեր այս անզգամ է եւ ոչ լսէ ձայնի մերում, հարկանող է եւ արբշիռ: Եւ քարկոծեսցեն զնա արք քաղաքին իրեանց, եւ մեոցի, եւ բարձջիք զչարն ի միջոյ ձերմէ, եւ լուեալ այլոցն զահի հարկանիցին: Չոյգ է այս դատաստան այնմ, որ զծնողսն անարգէ, զի անդ՝ մահու մեոցի, զի զհորն անարգէ զծնողսն եւ նովա՝ զհասարակացն Աստուած, եւ աստ՝ առանց միջնորդի՝ միայն զԱստուած, լուծմամբ պատուիրանին: Վասն որոյ անդ՝ մահու մեոցի, որ է երկու մահ, եւ աստ՝ պարզաբար մեոցի, որ է միայն առ Աստուած յանցանքն: Այլ որպէս անդ եղաւ իրաւամբք՝ ելանել ի ժառանգութենէ փոխանակ մահուն, նոյն լիցի եւ աստ:

ԳԼՈՒԽ ԸԺԳ ՎԱՍՆ ՄԱՀԱՊԱՐՏ ՄԵՌԵԼՈՑ

Եթէ հասանիցեն ումեք մահապարտութիւն, եւ մեռանիցի, կանխեսջիք զնա զփայտէ, եւ մի՛ աղանիցի մարմին նորա ի փայտին, այլ թաղեսջիք զնա ի նմին աուր, զի անիծեալ է յԱստուծոյ ամենայն, որ կախեալ կայցէ զփայտէ: Չի թէպէտ ամենայն օրինադրութիւնս ոչ միայն առ ճառսն, այլ եւ առ միտսն բազում ունի պատճառս, այլ մեզ որքան հարկաւորն է իրաւանց դատաստանի՝ առնլի է: Եւ զի անդ զԻսրայէլացոցն ասացաւ թաղել զմարմին, եւ զի ի մերոց թագաւորաց ոչ հրամայեցաւ սպանանել, բայց միայն խրատել: Իսկ թէ այլազգի պատահի ի մահապարտութիւն, ոչ է արտաքոյ իրաւանց, զբնութիւնս պատուելոյ աղագաւ, թաղել տալ հրաման՝ յորժամ մեռանի, ուր եւ իցէ:

ԳԼՈՒԽ ԸԺԴ ՎԱՍՆ ԿՈՐՍՏԻՑ

Գուցէ տեսեալ զարջառ եւ զոչխար եղբօր քոյ մոլորեալ ի ճանապարհի, մի՛ անտես առնիցես զնոսա, այլ դարձուցես զնոսա եւ ածցես առ եղբայրն քո: Ապա թէ չիցէ եղբայրն քո մօտ առ քեզ, եւ ոչ ճանաչիցես զնա, ժողովեսցես զնոսա ի տան քում, եւ եղիցին առ քեզ, մինչեւ խնդրեսցէ զնոսա եղբայրն քո, եւ տացես զնա: Նոյնպէս արասցես զէջ նորա, եւ զհանդերձ, եւ զամենայն կորուստ եղբօր քոյ, որ ինչ կորնչիցի: Մի՛ իշխեսցէ եղբայր որ անտես առնել զինչս եղբօր իրոյ: Գուր եւ խնամս ունելով ուսուցանէ Օրէնքս աստուածայինս ոչ միայն առ մերձաւորս, այլ եւ առ հեռաւորս յամենայն կորուստս հաւատարիմս լինել եւ

անվարձ, զի արտաքոյ իրաւանց է վարձանօք զկորուստ ընկերին դարձուցանել:

ԳԼՈՒԽ ՃԺԵ ՎԱՄՆ ՅԱՐՈՒՑԱՆԵԼՈՅ ԶԱՆԿԵԱԼ ՉՈՐՔՈՏԱՆԻՍ

Գուցէ տեսանիցես զէջ կամ զեզն եղբօր քոյ անկեալ ի ճանապարհի, մի՛ գանց առնիցես զնորք, այլ յարուցես ընդ նմա: Անվարձ եւ զայս եւս հրամայէ: Եւ թէպէտ եւ Օրինադրութիւն է, սակայն եւ թագաւորաց եւ դատաւորաց է գիտելի զայստսիկ եւ խրատել, որ յաղագս սորին երթան յատեան:

ԳԼՈՒԽ ՃԺԶ ՎԱՄՆ ՀԱՆԴԵՐՁԻ

Մի՛ եղիցի հանդերձ առնացի զկանամբք, կամ զգեցցի այր զգեստ կանացի, զի պեղծ է Տեառն Աստուծոյ քում ամենայն, որ առնէ զայն: Զի բազում դովաւ լինել չարեաց ի դէպ էր եւ անձեութիւն իսկ, յաղագս որոյ հրաժարեցոյց: Ըստ այսմ խրատելի է դատաւորաց է քարոզչաց:

ԳԼՈՒԽ ՃԺԷ ՎԱՄՆ ԲՈՒՆՈՅ ԹՌՉՆՈՅ

Եթէ դիպեսցիս բունց հաւուց առաջի քո ի ճանապարհի, եւ թէ ի ծառ եւ թէ ի գետնի, ձագուց կամ ձուոց, մի՛ առնուցուս զմայրն հանդերձ ձագօք, այլ արձակեսցես զմայրն, եւ գորդիսն առցես քեզ, զի բարի լինիցի քեզ, եւ բազմօրեայ լինիցիս ի վերայ երկրի: Եւ արդ, մի՛ որք պարսասուանս դիցէ մեզ յայստսիկ, եթէ զի Օրինադրութիւն է, զի՞արդ լիցի յիրս դատաստանի, նմանապէս եւ՝ նմանք սոցին: Գիտելի է, զի ամենայն օրինադրութիւն լուծեալն եւ զղջացեալն ոչ կարօտի դատաստանի, իսկ անհնազանդիցն դատաստանի պէտք են: Եւ զայս Տէրն յայտ արար, ասելով՝ ի ճանապարհի զղջացեալ տուր զհաշի ուխտին, զի մի՛ ի դատաստան անկցիս: Եւ զի այս Օրինադրութիւն է եւ արդարութեան կատարումն: Իսկ լուծեալ եւ զղջացեալ՝ ի ձեռն վարդապետաց վերստին ուղղութիւն, այլ անզղջից՝ դատաստանաց իրաւունք: Փոքրագոյն օրինադրութեամբս տեսցես այժմ զնեժամեժսն սովաւ չափեալս: Եւ զի յայտ արասցէ զհաւս վասն մեր եղեալ, զոր հրամայէ թուղուլ զմայրն աճելոյ պատճառաւ եւ մեզ ի պէտս զձագս եւ զձուս առնուլ: Եւ սորք վարձս խոստանայ՝ ցուցանելով, թէ որքան պսակին կատարողքն մեժամեժաց պատուիրանաց, այլ զղջացեալքն ուղղին, եւ անզեղջքն յայսմ՝ դատին: Եւ իրաւացի կարծեմ զոյզ

ամաց թռչնոցն իմանալով ձագուցն խափանման՝ գտուգանս լինել ի թագաւորաց:

ԳԼՈՒԽ ՃԺԸ ՎԱՍՆ ՆՈՐԱՇԷՆ ՏԱՆ

Եթէ շինեսցես տուն նորաշէն, արասցես պսակ շուրջ գտանեօքն, եւ մի՛ սպանումն գործեսցի ի տան քում, զի մի՛ անկանիցի, որ անկանելոցն իցէ, ի նմանէ: Կարծելի է, թէ եւ զայս պատուիրան նման այնմ, որ զվիրաւոր գտեալ՝ պատարագօք հրամայէր քաւել եւ ոչ դատաստանաւ արիւն խնդրել, ոչ տայ ի ձեռս դատաւորաց զպատահեալն: Եւ զի մի՛ այնմ կարօտ իցեն, զգուշանալ ուսուցանէ: Իսկ մեզ սպաշխարութիւն լիցի:

ԳԼՈՒԽ ՃԺԹ ՎԱՍՆ ԾԱՌԱՅԻՑ ՓԱԽՈՒՑԵԼՈՑ

Մի՛ մատնեսցես զծառայ տեառն իւրում, որ յաւելուցու առ քեզ ի տեառնէ իւրմէ: Ընդ քեզ բնակեսցէ եւ ընդ քեզ զետեղեսցի յամենայն տեղոջ, ուր եւ հաճոյ է նմա, եւ մի՛ նեղիցես զնա: Ոչ միայն զայլագգեաց ասէ, այլ եւ զԵբբայեցոց, որ թէ յանդգնեալ ոչ կամի յեւթն ամի թողուլ զնա, եւ յաղագս այնր փախիցէ, զոր ասէ՝ ընդ քեզ բնակեսցէ եւ թէ այլուր հաճոյ իցէ՝ անդ, եւ թէ այլագգ ինչ՝ հաշտեցուցանել եւ ոչ վայրապար տալ ի ձեռս: Չայս եւ մեզ պահել իրաւացի դատաստան է:

ԳԼՈՒԽ ՃԻ ՎԱՍՆ ՄՏԵԼՈՑ Ի ՀՈՒՆՁՍ

Իսկ եթէ մտանիցես ի հունձս ընկերի քոյ, քաղեսցես ձեռօք քովք զհասկն եւ մանգաղ մի՛ արկանիցես յոճ ընկերի քոյ: Չի ողորմութիւն ի կամաց առողին կամի Օրէնքն եւ ոչ ի կամաց կրողացն, եւ եթէ յանդգնի՝ դատաստանաւ է իբր ի յափշտակողէ տոյժ առնուլ:

ԳԼՈՒԽ ՃԻԱ ՎԱՍՆ ՄՏՈՂԱՑ ՅԱՅԳԻ ԸՆԿԵՐԻՆ

Իսկ եթէ մտանիցես յայգի ընկերին քոյ, կերիցես խաղող, մինչեւ յագեսցես, բայց յամանս մի ամանեսցես: Չափս դնէ եւ իրաւունս ակամայ ողորմութեան ճշմարիտ Օրինադրութիւնս այգեգործաց, զի մի՛ տաղտկասցին, զի նոցունց կամօք իցէ ընդ ուտելոյն եւ բառնալն, իսկ ըստ կերողին տոյժ լիցի:

ԳԼՈՒԽ ԾԻԲ ՎԱՄՆ ԱՐՁԱԿԵԼՈՅ ԶԿԱՆԱՅՍ

Եթէ առնուցու որ կին եւ մտանիցէ առ նա, եւ եղիցէ, թէ ոչ գտանիցէ շնորհս առաջի նորա, զի եզիտ ի նմա իրս անարգութեան, գրեսցէ նմա զիր սպահարգանի եւ տացէ ի ձեռս նորա եւ արձակեսցէ զնա ի տանէ իւրմէ: Եւ զնացեալ լինիցի առն այլում, եւ թէ ասիցէ զնա այրն վերջին, գրեսցէ նմա զիր մեկնելոյ եւ տացէ ի ձեռս նրա եւ արձակեսցէ զնա ի տանէ իւրմէ: Ապա թէ մեռանիցի վերջին այրն, մի՛ կարասցէ այրն առաջին, որ արձակեսց զնա, դատնալ առնուլ զնա ի կնութիւն, զի պիղծ է այն առաջի Աստուծոյ քոյ. եւ մի՛ պղծիցէք զերկիրն, զոր Տէր Աստուած տացէ ձեզ ի ժառանգութիւն: Չայս երբեմն Հրեայքն պատասխանի ետուն Տեառն, ասելով. Մովսէս հրաման ետ զիր գրել մեկնելոյ կանանց, եւ Տէր եցոյց զպատճառն, եթէ յաղագս խստասրտութեան ձերոյ թողացաւ: Եւ զի մի՛ միշտ վայրապար թողցեն, ասաց յՕրէնսն՝ ոչ առնուլ զանարգեալն: Եւ զի ընդարձակ էր առնուլ այլ, եւ միանգամայն երկուս առնուլ եւ կեալ ի մի տուն, եւ այն առանց բանի պոռնկութեան: Եւ զի ըստ մեզ այս ոչ է, եթէ պատահի զկնի թողլոյն եւ մահուն զղջանալ, որ ատելութեամբ մեկնեցան՝ սպաշխարութեամբ միասցին, բայց եթէ պատահի այնպիսի լինել, որոց միատրել չիցէ արժան:

ԳԼՈՒԽ ԾԻԳ ՎԱՄՆ ՈՐ ԱՌՆՈՒ ԵՈՐ ԿԻՆ, ՉԷ ՊԱՐՏ Ի ՊԱՏԵՐԱԶՍ ԵՐԹԱԼ

Եթէ առնուցու որ կին նորոգ, մի՛ մտցէ ի պատերազմ, եւ մի՛ անկցին ի վերայ նորա ինչ իրք, այլ անպարտ լիցի ի տան իւրում, եւ ուրախ արասցէ զկին իւր: Մարդասէր է Աստուած, կամի, զի մի՛ անկեալ ի պատերազմին՝ սուգ լիցի տարածամ, յաղագս որոյ անմեղադրելի են միանգամայն, կամ ամբարտաւանեալ՝ յանդգնի ճակատեալ եւ կամ երկբայի՝ զանգիտեալ: Չայս իրաւունս պահելի զօրավարաց առ զօրս իւր ամենայն:

ԳԼՈՒԽ ԾԻԴ ՎԱՄՆ ՈՐՔ ԳՐԱԻԱԿԱՆ ԴՆԵՆ ԿԱՍ ԳՐԱԻ ԱՌՆՈՒՆ ԶԵՐԿԱՆՔ

Մի՛ գրաւեսցես զվերին կամ զներքին երկանք, զի զոգիս գրաւէ այնպիսին: Ոչ հրամայէ բնաւ չգրաւել, այլ նոցունց ցուցանէ զիրաւունս զի միովն թերեւս զղշասցի դարձուցանել զմիսն, ուստի եւ ծանրացոյց զօրինակն խղճին՝ զոգիս գրաւէ, ասէ, այնպիսին, զի նոցա սպասատրութեամբ ոգի մնայ ի մարմին: Չոր եւ յամենայնսն մեզ պահելի է՝ չգրաւել գոյժ հարկատրքն, եւ թէ յանդգնի՝ ի դատատրաց վրէժ լիցի:

ԳԼՈՒԽ ԸԻԵ ՎԱՍՆ ՊԱՐՏՈՒՅ ԵՒ ԳՐԱԻԿԱՆԵՐՈՅ

Եթէ պարտիցի ընկեր քո զինչ եւ իցէ, մի՛ մտանիցես ի տուն նորա առնուլ ինչ գրաւ, այլ արտաքոյ կացցես, եւ այրն, առ որում պարտքն քո իցեն, հանցէ զգրաւն արտաքս: Եւ եթէ աղքատ իցէ այրն, մի՛ ազցի գրաւն ի տուն քո, այլ դարձուցես զգրաւ նորա ընդ մտանել արեւուն, եւ ննջեսցէ հանդերձին եւ օրհնեսցէ զքեզ, եւ եղիցի քեզ յողորմածութիւն առաջի Տեառն Աստուծոյ քոյ: Չտալ թոյլ մտանել եւ առնուլ գրաւ, զի մի՛ բռնութիւն լիցի, այլ՝ կամաւ. հանեալն, դարձեալ, ոչ ի հարկատրաց գոյիցն իցէ: Ապա թէ յաղագս աղքատութեան հարկատրքն իցեն, հրամայէ չօթեցուցանել եւ այսու ողորմած կամի զնոսա լինել ընդ իրաւանցն: Չսոյն գայս եւ մեզ ընտրելի է:

ԳԼՈՒԽ ԸԻԶ ՎԱՍՆ ՈՐ ՎԱՐՁԷ ԳՐԱՍՏ ԵՒ ԱՅԼ ԻՆՉ ԵՒ ՎՆԱՍԷ

Մի՛ զլասցիս զվարձս տնանկին եւ զկարօտելոյն յեղբարց քոց կամ յեկաց քաղաքաց քոց: Այլ նոյն օր հատուցես զվարձս նորա, եւ մի՛ մտանիցէ արեգակն ի վերայ այնորիկ, զի տնանկ է, եւ այն է յոյս նորա, եւ մի՛ բողոք հարկանիցէ առ Տէր, եւ լինի քեզ այն ի մեղս: Յայտ է, զի յաղագս աղքատութեան եղեւ վարձկան եւ ատորն պիտոյից: Չի եթէ ոչ հատուցես յատր գործոյն, դատաստանաւ է աւելի, քան որ վարձեցան, հատուցանել զվարձսն: